

三年生个厝 江秀鳳(四縣腔)

讀小學三年生堵著俾耶誕節个時節，學校先生問大家：「相信有耶誕老阿公仔个人請擎手。」歸班淨厝一儕人擎手，大家翻轉頭看厝，逐儕就笑到 he / 天 he / 地，厝續大大聲拗講：「正經有耶誕老阿公仔啦，厝逐年都有收著等路。」講忒同學笑到還較大聲，連隔壁班个先生就勾頭出來看。同學講：「該係若爺哀送个啦，惹嬾！」

該下晝轉到屋，厝謹矇矇仔問吾姆，世界項無耶誕老阿公仔，仰毋早兜仔分厝知，害厝今晡日分同學笑。吾姆好聲好氣摺厝講：「厝希望你兜過一個快樂个童年，你知厝逐年就愛想空想缺，愛送你兜麼个等路，幾辛苦你知無？」對該年過後，厝同阿姐就毋識收著耶誕節等路哩！厝問阿姐哪久就知無耶誕老阿公仔這件事？佢講大概也係三年生个時節，厝謹嘟嘟仔問佢：「你知仰毋講呢，害厝分歸班仔笑。」吾姐應厝：「大惹巴，講出來就無等路仔啦，過忒年定著無哩，都係你害个。」

該年，厝有一個細佬仔同學，堵堵坐吾隔壁，佢摺厝同年，共月共日生日，厝朝晨頭 8 點出世，佢係暗晡頭 8 點降个，戴吾隔壁巷仔，排路隊个時節，兩儕兩儕一列，厝又摺佢排共下，日日就共下行，佢係一個細紳士，逐日就先送厝轉到屋正翻頭轉去厝屋下，行久仔就變到較熟事，毋過兩儕還細，毋曉得約會。有一日，食飽夜聽著有人揷電鈴，吾姆走去開門，就大嬾聲在門口喊厝，講有人尋厝，厝遽遽走等出去，話著係阿雅尋厝，佢戴另外一片析，無共路隊，走出來正看著係逐日摺厝共下轉个細佬同學，佢摺一包包裝包到當靚个等路拿到頭那頂恁高分厝，摺厝講：「生日快樂」，厝旨轉魂過來，佢就瀉走了，連愛喊佢入來坐、食杯茶就無，實在還失禮哪。

入去屋肚，歸屋家人七鼓八笛，緊問送麼个？厝驚包裝紙扯爛忒，頭擺人無用百貨公司个袋仔裝禮物，淨會買包裝紙自家包，看這等路包到恁靚，定著毋係吾同學包个，可能係厥姆摺佢包个，等到包裝紙拆好，打啊開來，大家就「哇！」一聲，目盯盯仔緊看，還高級个音樂盒仔，蓋仔打開來就看著兩隻著等芭蕾舞白紗裙个細阿妹仔在該跳舞，音樂叮叮噹噹緊響，歸屋家人就暢到耐毋得，該係厝這生人，頭一擺有細佬朋友送个等路，到這下就還記得該音樂聲，該跳舞个細妹仔，該靚靚个盒仔，該毋識牽過手、約過會單純个朋友情。

2018.5.7 在大墩木棉樹下